

CS (MAIN) Exam : 2017

STH-C-BDO

बर'

(मावथारनो गोनां)

सम थिखानाय : थाम घन्टा

गासै नाम्बार : 300

सौंथि बिलाइनि थिखानाय बिथोन

सौंथि बिलाइखौ फिननायनि सिगां गाहायाव होनाय बिथोनखौ मोजाई फराय

गासैबो सौंथिनि फिननाय हो।

फिननायनि नाम्बारा सौंथिनि उनाव होखानाय वं।

फिननायखौ बर' (देवनागिरि हांखो) रावजो आरो सौंथि बादियै हो।

सोदोबनि थिखानाय बायदियै फिन आरो जुदि सौंथि बायदियै फिननाया गुसुं एबा गोलाव जायो अब्ला नाम्बारखौ दाननाय जागोन।

फिन बिलाइनि आगसिथि बिलाइयाव थानाय लांदां बिलाइखौ मोजाई दाननानै होनांगोन।

BODO

(Compulsory)

Time Allowed : Three Hours

Maximum Marks : 300

QUESTION PAPER SPECIFIC INSTRUCTIONS

Please read each of the following instructions carefully
before attempting questions

All questions are to be attempted.

The number of marks carried by a question/part is indicated against it.

Answers must be written in BODO (Devanagari script) unless otherwise directed in the question.

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

1. गाहायाव होनाय रनसायखौ 600 सोदोबजो जायखि-जाया मोनसे लिर :

100

- (a) गोनोखोनि बांद्राइ बाहायथाया खैफोद लाबोयो
- (b) दोहोरोम बासियै (Secularism) आनो सुबुंदारानि गोहो
- (c) डिमनेटाइजेसन (Demonetization) जो भारतीय रांखान्थियाव गोलाउ सम-सिमा मुलाम्फा जागोन
- (d) आयुर्बेदिक-खान्थिनि फासे सोनाबारि हादोरफोरा गोसो बोखथाबयो (Attraction)

2. गाहायाव होनाय खोन्दोखौ मोजाडै फराय आरो उनाव होनाय सोंथिफोरखौ रोखा, सैथो आरो रोजोब रावजो फिन हो :

12×5=60

गोसोनि थाखाय बयनिखुइ हामसिन आदारा जादो बिजाब। सासे बिजिरगिरिया मख'दो दि सुबुं हारिया जायखौ सानबाय, मावखांबाय आरो मोनबाय, बेफोरो बिजाबफोराव बोनथुमजानाय। सुबुं सोदोमसि आरो हारिमु जौगानाइनि गाहाम बिमुंखौ बिजाबनोनो होनांगोन। बिजाबफोरनि गोनांथि आरो बेसेना रावजोबो रुजुजाया। बिजाबफोरा गाववारि इसि गोसोखौ गियान होयो। मोजा बिजाबफोरा सुबुंखौ जुनादनिक्राइ ईसोरसिम लाबोनो हायो। बिसोरनि गुन डिसपजिसन (virtues disposition) खौ सिरि मोनहोनानै बिखौ लामा आन्दाइनाइनिक्राइ रेखा खालामो थामहिन्वा, सुबुं, समाज आरो हादोरखौ गाहाम लामा दिन्थियो। बिजाबफोरा जौखौ गोसो आरो मेलेमयाव गोजोरै गोहोम खोख्लैयो आरो बेयो थुलुंगाखांनाइबो होयो।

बिजाबफोरा रंजानाइनि बेलायावबो सुबुंनो खराग होयो। बेयाव रंजानाइनि ओंथिया खालि मिनिनाइ-रंजानाइजौल' नडा, बबेखानि रंजानाइनि ओंथिया गोथौ। जायफोर बिजाबफोरा फरायगिरिफोरनि गोसोखौ गोथौयै बिलिरो आरो बिसोरनि गोसोखौ एंगेज (engage) खालामना लायो बेनो थार ओंथियाव रंजाथायारि बिजाबफोर। जाय बिजाबा फरायग्राफोरखौ जेसेबां गोथौयाव लाडो, बेयो एसेबांनो रंजाहोग्रा जायो। बेबादिनो, सा-सात्रां थुनलाइनि गोनांथियाबो बाडाइ नडा। बे रोखोम थुनलाइया सुबुंनि नारथाइ (stress) खौ मोनसे सिमा सिम खमाइनानै होयो आरो बिनि लोरबां स्पिरिट (spirit) खौ गाहाम खालामो।

मोजा बिजाबफोरा सुबुंनो गियान आरो रंजानाइ होयो। बिज्ञान, फालांगि, आरिमु आरो आयेननि बिजाबफोरा सुबुंनि गियानखौ जौगा होयो। बेफोरखौ फराइनानै सुबुडा गावनि इसि गोसोनि बोलोखौ बांहोयो। थार बाध्याया बेनो दि बिजाबफोरा जौखौ गाहाम लामा दिन्थिगिरि। बेयो जौनो गोदान गोदान बिथि आरो गुमुफोरनि गियानथ' होयो, लोगोसे साननो आरो बेरखां होनोबो बाइद' (compel) खालामनानै होयो। बिजाबफोरा सुबुंनि दुथां आखुखौ फोजोबनानै गोखोंथि होफैयो। गान्धीजीआ 'गीता'खौ गावनि बिमा बिमुं होदो मानोना मोनफ्रामबो गोब्राब थासारियाव बिनो आगोर होदोमोन। बिजाबफोरा बेबादिनो आगोर होग्रा, जाय साजाबो होया आरो रागाबो जोडा आरो बेनि बदलै मुंबो लुबैया नाथाइ एखे समावनो गावनि थेनो रोडै खान्थि (essence of immortality) होनायावबो फेलै खालामा।

बिजाबफोरा सुबुंनो थार सुखु आरो दद्र'थि (calmness) होयो। बिजाब मोजा मोनग्राफोरा बइनिखुइबो बोर सारसिजानाइ सुबुं। बियो जिउवाव माब्लाबो लांदां मोन्दांनाइ नडा। बिजाबफोरनि सायाव आबुडै सोनारनानै धानो हायो।

साननाइ (बिजिरनाइ)नि दावहायाव बिजाबफोराल'नो मोनसे आइजै (अस्त्र)। बिजाबफोराव थानाइ साननाइ-ह'नाइफोरा गासै समाजखौ गुस्ताइहोनो हानाइ गोहो दंजायो। दिनैनि संसारा साननाइनिनो संसार। समाजाव जेब्लानो माबा मोनसे सोलायनाइ फैयो एबा जांखुथाइ जायो, बेनि गुदियाव माबा मोनसे सान्दांथि थायो। बइनिखुइ साबसिन बिजाबफोरा समाजाव गोदान

सानखांथिनि दाहार लाबोयो आरो समाजाव सुबुं जांखुथाइ लाबोनानै गावनि गोनांथार बिफावजों खाबु होफैयो। बिजाबफोरखौ फरायोब्ला सुबुंनि गोसो बिथिडा गुवार जायो आरो साननाइ-ह'नाइफोराबो गोथौ जायो।

बिजाबफोरा एरैबादि इटारनेल ट्रेसार (eternal treasure) जाय आगु जोगोरनि रॉमोनथाइफोरखौ इयुन जोलैनिमिम जोबोद गाहामै लाबोनै होफैयो। बिजाबफोराव थानाइ गियानखौ रावबो फोजोबसांनो हाया। सुंथाबै, बिजाबफोरनि बेसेनखौ रुजुनो हाया।

- मानो बिजाबफोरनि बेसेनखौ रुजुनो हाया?
- वे लिखिजों लिखिगिरिनि बुंथिनाया मा ओंथि होदों जे 'रंजानाइनि ओंथिया गोथौ' होन्नानै?
- मानो बिजाबफोरा जोंनि थार लामा दिन्धिगिरि?
- गान्धीजीआ 'गीता'खौ बिमा बिमुं मानो होदों?
- बिजाबफोरा समाजाव गोदान साननाइखौ माबोरै फोसावो?

3. गाहायाव होनाय खोन्दोनिफ्राय थाम बाहागोनि से बाहागोजों मोनसे सुंदोब (Précis) लिख। सुंदोबखौ नॉनि रावजों लिख। बिमुं होनो नाडा :

60

गोब्राब खामानि मावनाइयानो संसाराव जाफुंसारनाइनि बइनिखुइ गोनांथार लामा। जोंनि लुबैनाइखौ (थांखिखौ) गोब्राब मावसोमनानै जाफुंसारहोनो हायो। संसारा हाबानि थिलि, कर्म (karma) खालामनायानो जों सफ्रामबोनि धोरोम। जायखि-जाया खामानियाव जों जाफुंसारनाइ मोननो हायो जेब्ला जों गोब्राब खामानि मावयो।

गोब्राब खामानि मावसोमनायानो जिउनि दावगाथाइ लाबोयो। जदि जों खामानि फासैं लेहेम खालामो जिउनि खारथायाबो थाद'गोन। अलसियाआ जोंखौ एरैबादि फासैं लाडो दि बेनि आशुमनिफ्राइ खारग' नांगौवा जोबोर गोब्राब, जेराव मावथि सुबुडा गासै रोखोमनि हेंथाफोरखौ जुजिनानै सिगां फासैं दावगालांनानै बां-रोखोमारि जाफुंसारनाइनि मुंखौ लानो हायो। गोब्राब खामानि मावग्रा सुबुडा गावनि खाफालाव सोनारा बबेखानि बियो गोसो होनानै दावगालांबाय थायो। गोब्राब खामानि मावनाइनि बदलै जाफुंसारनाइ मोनाब्लाबो सासे मावथि सुबुडा निराशा जाया। बियो गावनि फेलें जानाइनि जाहोनफोरखौ मोन्दांनो नाजायो, बियो गावनि गोरोंथिफोरखौ फोसाबनो खामानि मावयो जाहाते बियो जाफुंसार जानो हायो।

बे भुमाव जों आगान-आगान फ्रामबो जुजिनानै गावनि लामाखौ दिहुननांगौ। जायखि-जाया जों जेसेबां सक्तिगोनां आरो समपतिगोनां जाया मानो जदि जों मावथि जायालासे थायोब्ला, अब्ला खालि गोसो होनायनि गेजेरजोंल' थांखि फासैं सहैनो हाया। संसाराव जेसेबां महापुरुष जादों बिसोरनि गुदियाव दं खामानि मावनाइनि गोहो आरो बोलोआनो गुबै।

जोंनि समाजाव गोबां बेबादि खाफालाव सोनारग्रा आरो नियतिबादी सुबुं नुनो मोनो। बिसोर बादि सुबुंफोरा समाजखौ जौगा होनायाव हेंथा होयो। दिनैसिम रावबो खाफालाव सोनारग्राफोरा मुलुक-संसाराव गिदिर खामानि मावनो हायाखै। गासै गिदिर इनभेनटसनस, दिहुनथाइ आरो सोरजिथाइफोरा गोब्राब मावसोमनाइनि गेजेरजोंसो जाथाव जाबोदोंमोन। जोंनि सम्पद आरो रोंगैथिफोरा खालि सोदाडोल' जे जाय जोंनि लामा हान्थिनाइयाव हेफाजाव होयो नाथाइ खालि गोब्राब खामानि मावसोमनाइनि गेजेरजोंल' जों जोंनि थांखिसिम सौहैनो हायो।

खामानि मावनाइजों मुंदांखा आरो जौगाखानाइ—मोननैबो मोननो हायो। जेब्ला जों गावनि मावनां खामानिनि बिबानखौ मावफुडो अब्ला जों गोसोखौ रोखोमसे गोमोथाव गोजोनग्लानाइ मोननो हायो। गोसो सिडावनि गासै पापफोरा सुसां जायो आरो गोजोन-सान्ति मोन्दाडो। खामानि मावथि मानसिनि थाखाय जेबो बेबादि पुजा-पाताल खालामनांगौ गोनांथि गैया।

बिनि मावथांखिया मावनां हाबाखी मावफुंनाइल'। जेब्ला आबादारिया सानसेनि खामानि मावखांनाइनि उनाव बेलासि समाव गावनि नआव खुसि गोसोजो दोसे खुगा मेधाइ रोजाबो अब्ला बिनि गारांनि देखोया सोगोनि देखोजो आबुं जायो।

सावस्रियारि खामानि मावनाया गोजोननाइ आरो गोगो देहा होयो। दिनै सुबुं हारिया सावस्रियारि खामानि मावनाइनि आंखालाव गोबां बेमारि मानसि नुनो मोनसे। सावस्रियारि खामानि मावनाया साफ्रोम सुबुंनि थाखाइ गोनांधार। बुडाब्लाबो जायो दि सावस्रियारि खामानि मावग्राफोरा आयु गोलाव जायो। बेबादिनो बुंनाय जायो दि मोनसे मोजां गोसोखी मोजां सावस्रियावसो मोननो हायो। बियो गोथौनिफ्राइ गोथौसिन खारिथि (तत्थ) खौबो गोलेँयै आजावना लानो हायो। गोब्राब थासारियावबो बियो गाब्राया बबेखानि साहसजो बेखी जुजियो। बियो गासै जेना सुखांनाइनि लामा नागिरानै लायो। मानसिक खामानिनि गोनांथिखौ बुजिनानैनो जौनि ऋषिफोरा धेनयाव थायोमोन आरो सुबुंहारिनि मोजांखी रिफिखांहोयो।

गोब्राब खामानि मावसोनाइनि गुबुन मोनसे थि ओंथिबो दड; बे ओंथियाव गोब्राब खामानि मावसोमनाइहा दिहुनथाइलु आरो दिहुनथाइगैबो बुंनो हायो। हालुवावा परिस्रमजो आबाद दैखाडो, बेयो दिहुनथाइलुवाव गोलेगोन। खेला गेलेनाय आरो ब्याम खालामनायाव जाय खामानि मावनाय जायो बेखी दिहुनथाइगैयै बुंनो जागोन। नाथाइ बेबादि खामानि मावनायावबो बेनि गोनांथि थायो। गान्धीजीआ बुंनो मोन दि जदि खामानि मावफुंनाय जायो अब्ला मानो दिहुनथाइलु हाबा मावनाइ जाया। गान्धीजीआ गासै रोखोमनि हाबा मावनाइयाव गोजोनग्लाइनाइनि मोन्दांथिखी लादोमोन।

जाय हादोरनि सुबुंफोरा मावथि जायो बे हादोरा जौगाखाडो। जापान आरो जार्मान हादोरा गिलु-बालु मुगैथाव मुलुक दावहानि उनाव गोब्राब खामानि मावनाइनि गेजेरजो गावसोरनि आंगो हादोरखी दाफामफिनदोमोन।

जोबथारनायाव, बेबादिनो बुंनो हायो दि गोब्राब खामानि मावनायानो जिउनि सुखु आरो सोरजिनिबो गुदि होनानै।

(499 सोदोब)

4. गाहायनि खोन्दोखी इराजियाव राव दानस्ताय :

20

मुंदांखा उदांसि दावहार राजर्सि पुरुस'त्तमदास टेण्डनआ एलाहाबाद मिउनिचिपालिटि बर्डनि मासिगिरिनि बिबानखी 1919 इ मायथायाव आजावदोमोन। बेयो बिनि थाखाइ गोब्राब सममोन मानोना बे मिउनिचिपालिटि बर्डनि मासिगिरियाथ' नंगौमोनानो नाथाइ इराजफोरनि सुखुवा-बुखुवा खालामनाइ आरो कष्ट' होनाइमोन दि साधारन भारतीयनि थाखाइ बिसोरनि गेजेराव खामानि मावनो हानाया गोब्राब थारमोन। बिबान आजावखांनायनि उनावनो टेण्डनजीआ नुदोमोन दि मिलिटारि केन्टनमेन्टनि फाइखिफोरा दैखी बाहायनाइमोन नाथाइ खाजोनाहोयामोन। बियो फाइखिफोरनि अफिसारनिसिम नटिस हरासै दि जदि इराजफोरा दानसेनि गेजेराव खाजोना होयाब्ला दै-हरनाइखी बन्द' खालामनाइ जागोन।

बे नटिसआनो केन्टनमेन्ट, गासै सहर आरो मिउनिचिपालिटियाव दावराव-दावसि खालामदोमोन। ओनसोलनि खौरा बिलाइयाव टेण्डनजीनि अडारखी मोजाडैनो सेबखांनानै फोसावनाइ जादोमोन। नटिसनि जोबथा सानखालि दै-हरनाइखी बन्द' खालामनोसै समाव फाइखि हान्जानि अफिसारआ मिउनिचिपालिटि बर्डनि अफिसाव सौहैयो आरो बिसोरनि गेजेराव देरसिन अफिसारआ टेण्डनजीखी बुंवाय दि नोंथाडा केन्टनमेन्टनि दै-हरनाइखी बन्द' खालामनो हाया। टेण्डनजी बिथाडा द'द्र'यै बुंवाय दि जदि दिनै खाजोना जमा होनाइ जायाब्ला, अब्ला दै-हरनाइनि कानेक्टसनखी गाबोन दानस'नानै होनाइ जागोन।

अफिसारआ रागाजोनानै होखावनाइसै नाथाइ टेण्डनजीआ दलरै थादोमोन। जोबथारनायाव मिलिटारि अफिसारआ दोरोदलादोमोन। बे अफिसारआ एक्साइटमेन्ट अवस्थायावमोन। टेण्डनजीनि थान्दा आरो गोमजोरथिखी नुनानै बयबो मानसिफोरा गोमोहाबदोमोन।

अखानायै केन्टनमेन्टनि मिलिटारि अफिसारआ खाजोनाखी जमा खालामदोमोन।

5. गाहायाव होनाय खोन्दोखौ बर'याव राव सोलाय :

20

In ancient times in most civilized countries, for example in Egypt, Iraq, India, China and in the Roman Empire, many great irrigation works were constructed. In very hot countries, water is even carried in underground channels to prevent it from being evaporated by the sun's heat. In modern times, great dams have been built across rivers and these are used for more than one purpose, hence they are called multipurpose undertakings. Firstly, such dams help to prevent floods, by controlling the amount of water which rushes down a river in the rainy season. This also prevents an enormous amount of damage and loss to farmers. Secondly, by storing up great quantities of water in the artificial lakes behind the dams, irrigation can be provided for many acres of land in the dry season, so that crops can be grown where none would have grown before. Thirdly, the people in the towns and cities in the neighbourhood can be certain of getting a sufficient supply of water for drinking and other purposes, even in the driest weather. Fourthly, the water stored up behind the dams is made to generate electric power by letting it run through turbines.

6. गाहायाव सौलुफोरनि फिन हो :

10×4=40

(a) गाहायाव होनाय बाध्राफोरखौ मोनसे सोदोबजो फोरमाय :

2×5=10

(i) हाबायाव हिनजाव गोदान गानग्रा दखनानि मुं—

(ii) गं मैयै मोसौ—

(iii) अखा हादैनि दै—

(iv) औवाजो हेबनाइ माइ दोनग्रा—

(v) थास' बिसंजो ना-गोरानखौ देनानै औवा हासुडाव जानो दोननाइ—

(b) गाहायाव होनाय बाध्रा फान्दायफोरखौ ओथि होनाने बाध्रा दा :

2×5=10

(i) आसि थाइसे

(ii) सालाइ बिजौनि बाध्रा

(iii) गोसो गुदुं

(iv) बिबु गोलाउ

(v) मेगन बेरसां

(c) गाहायनि थाइजा दाजाबदाखौ बाहायननै मोननै-मोननै बाभ्रा दा :

2×5=10

(i) -खल्ले

(ii) -दाव

(iii) -स्लिं

(iv) -खार

(v) -देर

(d) गाहायाव होनाय बाभ्रा भावखौ गुवारै बेखेव :

5×2=10

(i) गराइ नुब्ला सिं बायो।

(ii) अन्द्राखारियाव आगान थाया।

★ ★ ★